

## Saksprotokoll i fylkesutvalet – 04.05.2017

Benthe Bondhus (Sp) stilte spørsmål om ho var inhabil fordi ho er styremedlem i Sunnhordland kraftlag. Bondhus gjekk frå under vurderinga av spørsmålet om ho var inhabil. Fylkesutvalet vedtok samrøystes at Benthe Bondhus var inhabil, jf. forvaltningslova § 6, 1. ledd.

Benthe Bondhus gjekk frå under behandlinga av saka. Det var 14 representantar til stades.

**Tom Sverre Tomren (MDG)** sette fram slikt forslag:

«Av omsyn til landskapskvaliteter og mangfold frårår Hordaland fylkeskommune overføring av Grøningsbekken 2 og Bekk Urdabotn til Blåfalli III i Blådalsvassdraget i Kvinnherad kommune.»

### Røysting

Tomren sitt forslag fekk 2 røyster (MDG, SV) og fall.

Innstillinga, første avsnitt vart vedteken mot 2 røyster (MDG, SV).

Innstillinga, andre avsnitt vart samrøystes vedteken.

Innstillinga, tredje avsnitt vart vedteken mot 2 røyster (MDG, SV).

### Vedtak

Hordaland fylkeskommune rår til overføring av Grøningsbekken 2 og Bekk Urdabotn til Blåfalli III i Blådalsvassdraget i Kvinnherad kommune.

Av omsyn til landskap av stor verdi, fossefall og brunaure, regionalt friluftsområde av stor verdi, gamle stølsområde og stor samla belastning på Blådalsvassdraget, rår Hordaland fylkeskommune til å auka minstevassføringa i Grøningsbekken 2 og Bekk Urdabotn til minst det doble i sommarhalvåret. For fossefall må eigne reirkasser setjast opp der trygge reirplassar forsvinn.

Med slike avbøtande tiltak er prosjekta etter fylkesrådmannen si vurdering i samsvar med Klimaplan for Hordaland sitt mål om å auka produksjonen av fornybar energi med minst mogleg arealkonfliktar, utan tap av naturmangfald, samt strategi om å prioritera lagring av energien. Prosjekta vil då også vera i samsvar med Fylkesdelplan for små vasskraftverk i Hordaland sine retningslinjer for energiproduksjon, miljø og verdiskaping.